



17. august 2018

UKA 2018/157

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kalaallit Nunaanni sanaartornermut malittarisassat, pingaartumik AP95-ip, naleqqussarneqarnissaanik nutarterneqarnissaanillu misissueqqissaarfiusumik Naalakkersuisut UKA2019-mi nassuiaasiornissaanik Inatsisartut aalajangiiffigisassaattut siunnersuut.

(Inatsisartunut ilaasortaq Peter Olsen, Inuit Ataqatigiit)

Tunngavilersuut:

“Kalaallit Nunaanni sanaartornermi suliassat atortussallu tunniunneqartarneri pillugit ataatsimoortumik piumasagaatit”-nut ulluinnarni AP95-imik taaneqartartunut aallaqqaasiummi oqaaseqatigiit siullit imaapput:

”Sanaartugassanut neqerooruteqartitsisarnermi isumaqatigiissusiortarnermut maleruagassat inatsisinik tunngaveqartut, FBG 79-inik taaguuteqartut, maannamut atuuttuusimasut arlalitsigut piffissamut nallersuunneqarsinnaannginnerat naleqqutinnginnerallu nassueruti-galugu, Sanaartornermik Aqutsisut 1993-imi ukiakkut isumaqatigiissuteqartarnermut maleruagassat iluarsaallugit aallartippai.”

Taamaammat maleruagassat FBG79-mi taagukkat ukiut 16 missaanni atuutereersimalerput.

Maanna ukiut 22-it ingerlaqqereersimalerput taamaammat ataatsimut piumasagaatit nutartertariaqarnersut misissussallugu soqutiginaateqarsinnaavoq. Tassunga atatillugu oqaatigisariaqarpoq maleruagassat Danmarkimi atuttut, AB18-inik taaneqartartut, tassaammata 1992-imeersut nutarterneri.¹

Pisortanut aningaasatigut allaffissornikkullu kingunissai:

Suliaq taanna sanaartornermik suliaqartut peqatigalugit suliarineqartariaqarpoq. Naatsorsuutigisariaqarparput paasisutissat katersorniarlugit pisariaqartullu suliariniarlugit AC-

¹ Najoqqutat: <http://www.byginfo.gl/Portals/0/Publikationer/Anvisninger/AP95-DK.pdf>

http://www.byginfo.gl/Portals/0/Publikationer/Anvisninger/AP95_KN_foreloebig.pdf

INUIT ATAQATIGIIT

Inatsisartuni



fuldmægti ukioq ataaseq tikillugu sulisariaqassasoq. 500.000 kr.-it sinnerlugit
akeqassangatinneqanngilaq.

Namminersortunut aningaasaatigut allaffissornikkullu kingunerisassai:

Soqanngilaq

Innuttaasunut aningaasaatigut allaffissornikkullu kingunerisassai:

Soqanngilaq.